

INUIT ATAQATIGIIT INATSISARTUNI



11. august 2026

UKA2026/291

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Nunattta kujataani aalisarnerup inuussutissarsiornerullu siuarsaanissaat siunertaralugu, attuumassuteqartut peqatigalugit aalisarnerup inuussutissarsiornerullu qanoq ineriartortinnissaannik siunnersuusiortussamik suleqatigiissitaliornissamik Naalakkersuisut peqquneqarnissaannik Inatsisartut aalajangiiffigisassaattut siunnersuut. Suleqatigiissitap siunnersuutai kingusinnerpaamik UKA 27-mi saqqummiunneqassapput.

(Inatsisartunut ilaasortaq Nivi Rosing, Inuit Ataqtigiiit)

Tunngavilersuut:

Nunatta kujataani aningaasarsiornikkut inuussutissarsiornikkullu ineriartorneq annertusariaqartut ilagaat. Periarfissat sumiiffimmi nunaqartut qanimut suleqatigalugit, inerisarneqarumasut inerisarnissaannut tunngaviliinissamut pisussaaffeqarpugut.

Ukiopassuarni nunatta kujataani ineriartornerup unikaallaqqannera piviusuuvoq. Ilaatigut nunatsinni raajaleriffiit annerpaat ilaata Narsamiittup aamma Alluitsup Paani raajaleriffiup matunerisa kingunerisaanik, inuussutissarsiornikkut aningaasarsiornikkullu appariarneq annertooq pisimavoq.

Kuannersuarni aatsitassarsiorniartoqarluni pilersaartoqarnera aamma inuussutissarsiornikkut siuarsaanissamut akimmisaartitsisarsimavoq, ingammik sumiiffimmi inuussutissarsiuutit pioreersut inerisaqqissinnaanerap aporfeqartarsimalluni. Siunissami susoqassanersoq nalunarmat nalorninermi tamanna tunngaveqarluni.

Kujataani silaannakkut angallanneq aqqissuteqqinneqaaqqammerportaaq, kujataani mittarfik isaavik Narsarsuarmit Qaqortumiilermat upernaq manna.

Tamakku ilaatigut tunngavigalugit, pisortat sinaakkusersueqataallutik nutaamik inuussutissarsiornikkut aningaasarsiornikkullu siuarsaanissamut pisussaaffeqaataallutik ernisussiortooqataasariaqarput. Tassani kommune aamma kujataamiut qanimut suleqatigalugit.

Taamaaliornikkut neriut nutaaq pilersinneqassaaq – Inuussutissarsiuutit pioreersut ineriartoqqilernissaannut aamma inuussutissarsiuutit aningaasarsiorfissallu nutaat ineriartulernissaat tunngavilerneqarsinnaalluni.

Pisortanut aningaasatigut allaffissornikkullu kingunerisassai:

Siunnersuut akuerineqassappat suleqatigiissitap sullinneqarneranut aningaasaqarnikkut allaffissornikkullu AC-fuldmægtig-ip ukiup affaa suligasuarneranik nalinginnaasumillu akissarsiaqarneranik kinguneqassasoq naatsorsuutigineqarpoq. Naatsorsuutaavortaaq ataatsimiinnernut, misissuinermut immaqalu avataaniit

INUIT ATAQATIGIIT INATSIARTUNI



ikiorneqarnermut annertunngitsunik aningaasartuuteqarnissaq. Aningaasartuutilli taakku aningaasaliissutaareersut iluanni matussuserneqarsinnaanissaat naatsorsuutaavoq.

Kommune Kujalleq suleqatigalugu Suleqatigiissitap pilersinneqarnissaa siunnersuutaammat suliap qanoq iluaseqarnera apeqqutaalluni kommunimut allaffissarnikkut aningaasaqarnikkullu kinguneqarnissaa naatsorsuutaavoq.

Namminersortunut aningaasatigut allaffissornikkullu kingunerisassai:

Siunnersuutip suliffeqarfinnut namminersortunut aningaasartuuteqarnikkut toqqaannaq kinguneqarnissaa naatsorsuutigineqanngilaq. Suliffeqarfiit, kattuffiit kiisalu inuussutissarsiortut attuumassuteqartut suleqatigiissitami peqataatinneqarnerminni allaffissornikkut piffissartornissaat naatsorsuutigineqassaaq.

Innuttaasunut aningaasatigut allaffissornikkullu kingunerisassai :

Siunnersuutip innuttaasunut toqqaannartumik aningaasaqarnikkut kinguneqarnissaa naatsorsuutaanngilaq. Taamaattoq siunnersuutip siunertaraa inuussutissarsiornikkut, suliffissaqarnikkut piffimmilu ineriartortitsinikkut nunatta kujataani periarfissanik ammaassissasoq.